

Yeshua: e Tabernakel di Testimonio!!!

Awor Felipe a buska i haña Natanaèl i a bis'é: "Nos a haña Esun di Kende Moisés a skirbi den e Lei i di Kende e Profetanan tambe a skirbi. Ta Jesus di Nazarèt, yu di José." (Juan 1:45).

Yeshua; Jesus di Nazarèt: e Lei di Dios Tata!!!.

Ma bo mester nombra e Levitanan ofer di e Tabernakel di Testimonio, i ofer di tur su artíkulonon di uzo i ofer di tur loke ta pertenesé na djé. Ta nan mester karga e Tabernakel i tur su artíkulonon di uzo, i ta nan mester pèrkurá p'é; tambe nan mester kampa ront di e Tabernakel. Asina ku ora e Tabernakel mester sali bai, ta e Levitanan mester desarm'é; i ora ku e Tabernakel mester wòrdu lantá, ta e Levitanan mester arm'é. Ma e stranhero ku yega serka mester wòrdu matá. I e yunan di Israel mester kampa, kada hòmber den su mes kampamentu, i kada hòmber bou di su mes bandera, segun nan ehérsitonan. Ma e Levitanan mester kampa ront di e Tabernakel di Testimonio, pa no tin furia riba e kongregashon di e yunan di Israel. Asina e Levitanan mester keda enkargá ku e Tabernakel di Testimonio." (Numbernan 1:50-53).

Yeshua; Jesus di Nazarèt: di Kende e Profetanan di Dios Tata tambe a skirbi!!!.

DIOS ta konosí na Yuda; Su Nòmber ta grandi na Israel. I Su Tabernakel ta na Salèm, i Su lugá di Biba tambe ta na Sion. (Salmonan 72:1-2).

Laga nos drenta den Su lugá di Biba; laga nos adorá na e banki pa Su Pianan. Lanta, O SEÑOR, drenta e lugá di Bo Sosiegu, Abo ku e arka di Bo Fortalesa. (Salmonan 132:7-8).

Ta kon Felipe por bisa: "Nos a haña Esun di Kende Moisés a skirbi den e Lei i di Kende e Profetanan tambe a skirbi. Ta Jesus di Nazarèt, yu di José."

Felipe por bisa esaki pasobra:

Ta Jesus di Nazarèt ta e Tabernakel di Testimonio.

Ta Jesus di Nazarèt, Su Nòmber ta grandi na Israel.

Ta Jesus di Nazarèt, ta e Tabernakel na Salèm.

Ta Jesus di Nazarèt, ta e Dios konosí na Yuda.

Ta Jesus di Nazarèt, ta e lugá di Biba tambe na Sion.

Serka Jesus di Nazarèt nos ta adorá na e banki di Su Pianan.

Serka Jesus di Nazarèt nos ta drenta e lugá di Su Sosiegu.

Serka Jesus di Nazarèt nos tin e arka di Su Fortalesa.

3 mart 2019

Sea Bendishoná ku e Amor di Dios Tata; Yeshua Mesias

Rev. Remsly L Riley